

續

別集卷



10583

棟亭詩別集目錄

卷二

賓及二兄招飲時值宿未赴悵然踏月口占

兼示子猷二首

冲谷四兄歸溇陽予從獵湯泉同行不相見

十三日禁中見月感賦兼呈二兄

長安中秋四首

過甘園

再遊功德寺

羅文峪

棟亭詩別集卷二目錄

悽惶嶺

送陶奉長還長沙

過亦園望西山作

坐月憶調玉

九月送荆闔公桐初調玉同賦

兩夜有感兼寄江南諸子二首

遊大花園漫題二首

後陶進野不至復作一首

集西堂看菊與潛菴黃理進野分韻得豪字

兼懷桐初



再送汪上若

訪學陶不遇題壁

雪晴踏月歸西堂二首

木孩至題一捷句

人日集飲

用人字

元夜集西堂

用歡字

夜泛湖至董氏園登閣和子猷二首

撫事爲詩復戲成二斷句

庭前納涼讀鑿江倡和詩有題二首

題錫山蔣氏酒樓

棟亭詩別集卷二目錄

二

涼語

恒河

恒河在巒河之北水冽而深嶺環之中有人家雞犬肥馴黍稷在場解鞍坐息其側陶然有餘樂也因悲世路之險嗟行役之苦遂賦此篇以期異日云爾

題來窅亭圖

爲石廩內兄賦

暮遊弘濟寺石壁回宿觀音閣中

村居二首

題畫三首

旅壁讀阮亭渡易水詩且述牧齋西樵句感

賦

讀顧文饒洞庭龍女詩戲題其後

送舒康伯南歸

馬上望戒壇次耦長韻

榴花

殘榴

臘月十六日過南城留飲

宿金氏園亭

喜吳調玉至

憶芥公上人二首

期葉桐初不至

哭陳其年檢討

棟亭詩別集卷二目錄

三

見雁懷馬伯和

春日軒下種秋花

放愁詩

棟亭留別

夜雨和葉桐初

送袁士旦遊吳下二首

雪霽

自潤州至吳門行將北歸杜些少程令彰作

詩見寄奉和二首

出隱園小亭復題一首

聞蛩感題二首

青杏況梅有感之作三首

西堂集諸同人限薰風南來四字四首

微雨窗蕉綠甚漫成二首

和吳雪篷塞上四無詩

汪上若程勁飛過訪野航自天津初歸

送鮑子韶赴粵東將軍幕

子猷摘諸葛菜感題二捷句

哭醉行

為蘿山哭  
勁飛作

病中冲谷四兄寄詩相慰信筆奉荅兼感兩

棟亭詩別集卷二目錄

四

亡兄四首

熱甚潘雪帆見枉

禹尚基卜居圖索題

西村師教子導引却病戲成二詩時師將歸

清涼

棟亭詩別集卷二

千山曹寅子清謨

賓及二兄招飲時值宿未赴悵然踏月口

占兼示子猷二首

歸鴉自知夕掖樹更遲煙耐可一樽外徘徊雙闕  
前靜香週月地清響結冰天料及圍爐坐馳思執  
戟邊

清談舒沃愛瀟灑對賓時骨肉應何似歡呼自不  
支已能揮短塵還共校新詩却笑今宵夢先輸春  
草池

棟亭詩別集卷二

一

冲谷四兄歸溁陽予從獵湯泉同行不相

見十三日禁中見月感賦兼呈二兄

西河衰柳蕭蕭月半照龍旗出曉空別恨不容霜  
鏡滿短蓬又見玉梳工香凝畫省眠饑鳳夢隔寒  
雲數斷鴻爭似蘋婆雙院裏揮毫日日醉春風

長安中秋四首

夜入豐隆樹波搖太液香人煙九點淨仙桂一輪  
黃酒浴紅鸚鵡風移金鳳凰百年今夜醉玉漏正  
初長

漠漠秋塵外歸來更倚闌衣香宮隊散燈暈市樓

驪疎柳眠應足征鴻陣亦寒如何數行字親切報  
平安

月華寂如水綠氣運鴻濛萬戶砧初動二邊火不  
紅銀河波自淺烏雀影沈空浩蕩人間思無端回  
首中

玉笛凌颼發悠悠天上浮下方皆側耳明月獨登  
樓露老鮫宮閉煙清海市收此時悲令序相與惜  
清秋

過甘園

依然薜荔舊牆陰再拜河陽松柏林一二年間春

棟亭詩別集卷二

二

更好八千里外恨難沉

總制公死  
難滇南

峻嶒石筍穿窗見狼

藉風花遶地尋已是杜鵑啼不盡忍教司馬重沾

襟

謂鴻舒  
表兄

再遊功德寺

仍是耽吟善病身重來浮地覓殘春蕭森一雨全  
飛燕岑寂雙扉不見人頓撫垂楊生浩歎轉憐流  
水入囂塵招提昔日猶今日珍重西峻舊比鄰

羅文峪

軟草晴雲舞碧雞自磨銀鍬刃雙齊九門一出秋  
無礙回首斜陽萬馬蹄

懷惶嶺

出谷入谷日已昏寒潮汨沒打關門當年客戎腸  
皆斷此日龍旗百萬屯

送陶奉長還長沙

不見海榴紅照眼翻驚萬里泛歸槎燕臺燕市全  
非古湘草湘雲自有家五月江濤新戰水百年籬  
落舊栽花懸知更在羲皇上寄語梁園客漫譁

過亦園望西山作

名園佳水易斜曛錦幘斑駁笑語紛不道碧峻常  
淡掃一層疎柳一層雲

棟亭詩別集卷二

三

坐月憶調玉

離別何關月清光似惜予悠然出林表索爾入窗  
虛顧影遙分席焚香靜掩書思君最初夜何處倚  
村閭

九月送荆閩公桐初調玉同賦

潦倒髯公意氣豪只教五斗勸葡萄寒城月上一  
聲鼓卧榻水橫三尺刀正欲狂吟愁病肺好將山  
色戀綈袍此身未老君強飯明日北風天更高

雨夜有感兼寄江南諸子二首

殘春猶矍鑠野客盡飄零櫻筍憐微病糟醅懼獨



醒衆雲披雁陣急雨占鷗汀憶爾西河柳應添幾尺青

故國惟楊柳他鄉有竹林往來南北夢斟酌古今心戶任春風閉燈宜夜雨深天涯誰更健聊復慰愁吟

遊大花園漫題二首

鞍馬清郊近樓臺曠野尊好風皆倚樹流水正當門舞雀乘軒過涼猿抱石蹲羣生漫容與十日更留髡

蒲柳陰無隙銀沙幾曲通酷香頻詫騎禿袖獨凌

楹亭詩別集卷二

四

空日側青帘上禽啼碧瓦中遙憐放船者指顧說璇宮

後陶進野不至復作一首

逸興登高盡餘酣枕碧流影雖慙鷺品心已覺魚秋白眼從天放紅塵爲客浮勞勞二三子何事苦淹留

集西堂看菊與潛菴黃理進野分韻得豪

字兼懷桐初

莫使尊鱸客夢勞且因殘菊醉寒曹不求甚解詩偏妙只可自娛燈共挑行役又傳西塞馬相思終

滯楚江舡浮沉爾我何堪說索向秋窗詠寶刀

再送汪上若

蘭畹金荃自有神旣羞彈鋏豈憂貧冷雲不避堦

前月熱酒重澆畫裏人

有燈月酒  
人圓圖

車馬漫留千里駕

衣冠皆負五湖尊廣陵到日潮應凍記遣飛鴻向  
水濱

訪學陶不遇題壁

蕭疎殘菊見秋心幾度推簾問碧岑可耐北風鴉  
隊裏催人紅燭下城陰

雪晴踏月歸西堂二首

棟亭詩別集卷二

五

乍闔天閭烏未栖朦朧霽色樹全迷沙堤好讓籠  
燈去自愛銀塵送馬蹄

萬戶千門月上時能將多少異茅茨銷沉意氣頻  
來往說向梅花恐不知

木孩至題一捷句

衝寒一騎勝吳舡取醉西鄰有濁醪見說暮雲雙  
闕裏夕陽岑寂萬鴉高

人日集飲

用人  
字

綠萼吐芳春銀幡給酒人一晴占甲子百罰守庚  
申歲俗隨時好盤餐愛客真漫教愁耳熱腰鼓過

街頭

元夜集西堂

用歡字

三寸黃柑照玉盤  
玲瓏寶炬遶雕欄  
茫茫簪烏春  
何限滾滾魚龍夜  
未安火霧啜空消  
宿酒花枝賣  
眼鬪新歡堯時甲  
子秦時月好爲浮  
生著意看

夜泛湖至董氏園登閣和子猷二首

野釀醉還醒  
山樓坐處高  
燭涼秋葉翠  
天靜早雞  
號亦有宵行樂  
休辭鞅掌勞  
暫歸期蠟屐  
一月興猶豪

湖水泱泱白湖帆  
片片秋軒窗真不  
俗鷗鷺信同

棟亭詩別集卷二

六

儔畫法身前得秋  
光淡處收凌晨加  
盥漱染翰倚  
岑樓

撫事爲詩復戲成二斷句

老僧養花如惜兒  
數葉分頭也自奇  
滿院秋山無  
點綴西風殘照亂  
胭脂

昂宵絳幘五更頭  
只怕濃霜爛不收  
細雨閒窗憐  
舊句誰知草木替  
人愁

庭前納涼讀鑿江倡和詩有題二首

閉門自覓玄真子  
何處雲山杜德機  
一夜涼風吹  
白苧幾人失却綠  
簑衣

分明草際孤螢尾，笑指漁燈宿白沙。夢裏匡廬誰  
著眼，野航天際竟還家。

題錫山蔣氏酒樓

秋樹晴河一里煙，朝來洗漱盡名泉。買田陽羨應  
猶過，此處樓居即是仙。

涼語

銀牀夜汲聲，丁東月波淡。布星朦朧柳，飄屋角西  
南。風移牀拂簟，庭當中綵巾。安匹簾下櫳，何以燕  
息如弛弓。離離白影搖，方空眠音漸。純無夢通百  
八，撞打高城鐘。曉來啓戶尋涼蹤，土囊括口力已  
窮。我家颯沓雙梧桐，山妻椎髻笑整容。赤脚歷碌  
與此同，鼓粥飯氣和薑蔥。先生擁鼻呼阿儂，奴子  
奏伎非凡庸。我歌汝和相始終。

恒河

恒河在欒河之北水冽而深嶺環之中有人家雞犬肥  
馴黍稷在場解鞍坐息其側陶然有餘樂也因悲世路  
之險嗟行役之苦遂賦  
此篇以期異日云爾

五年不夢長江水，胸中忽作波濤起。攬盡悠悠一  
片心，誰憐棄置風塵裏。今夜天涯何處歸，三屯塞  
上行人稀。馬疲道遠日投嶺，解鞍枵腹風吹衣。西  
辭金闕在雲表，東瞻山海多旌旗。茫茫春色散平  
野，仄峰直走長河下。荒雞三唱櫟林深，炊煙一片

浮千瓦借問此鄉俗如何癭頸廣額語字訛銀釵  
土蝕野花澀顧我兩鬢青婆娑此去漁陽三百里  
邊垣落照胭脂紫恐是秦時避世人荒原別復開  
墟市款塞穹廬星散居雕弓吹火射飛魚及時立  
業苦不早牙旗金角光門閭何當買此百繩地還  
如谷口人號愚朝看晴霞漾疎翠夜弄素月凌清  
虛

題來宦亭圖

為石廩  
內元賦

李君話宦雙淚垂命子更作來宦詩禽鳥得氣義  
如此側死橫生空爾爲徘徊不得意翻身歸故園  
園中二子抱宦泣遂以此宦名其軒古時感恩宦  
最少徐家哭弔丁家老今世應慙有此禽攜歸莫  
傍長安道余家紫棟搖天風婆婆畧與此宦同錦  
衣再拜傷局促往往疾首呼蒼穹此樹安能青萬  
載君家宦亦磨人代嗚呼人代磨滅今不可期幸  
勿折我棟樹枝請君縱宦向空去泱泱白雲無盡  
時

暮遊弘濟寺石壁回宿觀音閣中

羈身嬰世網高興久淹積此行抱奇懷遙見一片  
石浮光逐清景蕩漾欣所適逼近覺水低仰望礙

飛翻天風豁疎翠韉鞞潮聲發耽奇竟忘險興激  
凌蒼壁迴巒隱別峰鳥道貫罅隙接手上巉崖宛  
轉幾千尺杳冥人語洪空洞聞水脉草木潛幽光  
煙霞無定跡極巔險忽平來路雲已隔返照射空  
江波濤溷金碧觀茲移我情頓覺煩塵釋下方暮  
鐘動急轉心促迫向南得微徑盤折不容屐溪水  
自澄鮮藤花青可惜鐵鑱懸一樓虛敞戶常闔冷  
風吹我面颯颯動毛髮中有百歲僧誦經不下席  
舉手招我言此中足休息

村居二首

棟亭詩別集卷二

九

懷抱萬古歡精默免榮辱豈無江海心隨時聊自  
足年華亦已警寓目皆吾屬散髮坐疎林遙山入  
空綠

俗客不入山春光向幽獨驅童力畎畝日暮閒林  
麓雪溜冷涓涓野花開石屋經營無我心茗香睡  
方熟

題畫三首

崖前樹色不知老溪上白雲終日閒歷歷舊遊如  
在眼只餘幽夢到青山

羣山滴翠雨初收渡口無人灌木稠茅屋數間門

自掩桃花深處有行舟  
一線飛泉如髮直兩崖山色似眉青箇中清興真  
難負更欲憑高置草亭

旅壁讀阮亭渡易水詩且述牧齋西樵句

感賦

荆卿負奇氣寄跡屠沽流燕丹困無道罄折思報  
仇殺馬復殺妾於勢不可留高步入秦庭四顧誰  
與儔渺渺秦武陽倒提血髑髏圖窮祖龍走不中  
實已羞豈云劍術疎促迫敗良謀所以高漸離擊  
筑睢兩眸終始雪一恥惟勇以義酬而彼二孺子  
亦各成千秋悲風何蕭蕭落日明古丘從來燕市  
上寂寞酒人遊

讀顧文饒洞庭龍女詩戲題其後

鬼神偏亦解相思貝闕春愁十二時不信柳郎成  
底事虎頭端的爲情癡

送舒康伯南還

杯酒論文後忘年交益親三春隨杖履一別在河  
濱天地愁征馬鶯花送故人旗亭莫歌鳳鄭重百  
年身

馬上望戒壇次耦長韻

白雲滿山誰打鐘馬首西來路不逢即此相看知  
一夢因緣還欠戒壇松

榴花

觸熱愁驚眼偏多爛熳舒亂煙裁細葉新火照叢  
書未了紅裙妬空將綠鬢疎風前渾豔盡過雨更  
何如

殘榴

繁花迷赤日結子待清霜涼燠知生苦枯榮動客  
傷勢低餘鳥啄葉瘦亂蟲藏眼見秋風勁纍纍歷  
短牆

棟亭詩別集卷二

二

臘月十六日過南城留飲

月減一分明春先兩日晴市喧秧鼓競花暖鹿裘  
輕檢點歲時樂徊徘徊京洛情衝泥莫辭遠歸路故  
人迎

宿金氏園亭

殘宵舒短夢歷歷紀遊踪忽警北窗雨滿疑東澗  
龍香清知滅火曉動欲聞鐘蕭散人間意孤雲第  
幾峰

喜吳調玉至

晴光千里至南嚮發愁思豈必停車客先期繞柱



時將鬚驚貌改把信說梅遲一醉真無意千山雪  
正披

憶芥公上人二首

忽憶山窗下殷勤禮白雲妙香飛宿雨貝葉展斜  
曛一掃真空見三皈世願分無由汲銅井重與淨  
埃氛

徙倚隨吾意行吟此病身寒花皆自笑饑鶩漫多  
嗔天闊雲難住樓高月易鄰算來強食是何處有  
閒人

期葉桐初不至

棟忠詩別集卷二

三

聞道兼程至齊山一片深世寬由客懶詩苦向誰  
吟索寞過花市因循卧竹林不憂吾道在攬取百  
年心

哭陳其年檢討

百年重五恨一夕上元遊豈合人間住多應天上  
留玉簫寒倚月楊柳暮侵樓得似遼東雀重來弔  
故丘

見雁懷馬伯和

苦憶白眉叟頻來送我歸空江停去棹老淚落吾  
衣半醉憐攜鐻長歌羨采薇忍看霜後雁日日向

南飛

春日軒下種秋花

昨宵微雨好溼透軒東隅曉起得晴光把鍤下堦  
除下堦淡無言獨自理荒蕪不惜筋力勞但恐時  
節殊地靜室已幽況值人事無人生愜所好隨處  
有良圖春懷勤草木亦不爲陋愚乃有數種花不  
與時令俱趁茲長養力他日堪自娛細種隨手下  
幾日生根鬚數榮有遲速雨露同所濡氣感花性  
生土暖花身蘇轉眼見顏色預使心中愉西園別  
已久南望常嗟吁

放愁詩

棟亭詩別集卷二

三

哀茲渺身包羅百憂膏煎木寇日月水流我告昊  
天姑爲放愁 天淨如鏡明含萬蠢仰呼不應口  
枯舌窘摩撫劬勞泣涕星隕 五臟六腑瘡痍未  
補芒刺滿腹荼蘼毒苦反照四顧覓愁何所 南  
山有松脊令于飛我今褰裳采藿采薇白髮坐堂  
綠髮立堦良食衍爾含飴哺孩手足輯睦琴瑟靜  
偕千春相保咫尺莫非 豐穫勤耨饘粥偃僂偶  
有旨酒爰念好友二簋相享薄醉攜手俯察濠梁  
傍啗芻狗 騎馬食肉轉背枯骨仙人羨明披葉

跨鹿菖蒲紫茸金丹紅黻飽食生翼風雷捧足抱  
一以終返魂于屋千年萬年愁不敢出

棟亭留別

客至皆題棟從今有棟亭難將一掬淚灑作萬年  
青夕霧收全幔寒山掩半屏悠悠後來者材否念  
居停

夜雨和葉桐初

血淚一秋陰西風共此心寒鉦荒署滿秋蠟夜堂  
深江海皆無限家山不易尋還傷投分友空作望

晴吟

桐初作望晴  
詩期于返也

棟亭詩別集卷二

四

送袁士旦遊吳下二首

蕭颯西河樹誰爲感舊人多君真世德蕞爾總埃  
塵服古才難細諳時句易陳但能舒醉眼鍾阜尚  
嶙峋

一笑神州路皇皇九旅寒何如晚簷臥贏得早梅  
看盤飮初敝栗袍綈再練紈五湖歸亦好雜還馬  
曹官

雪霽

漫漫誰復辨茅茨內外皆寒鳥起遲小苑調駒宜  
此日頽城倚杖亦多時銅龍飛去鍾猶吼玉筍排

來山自知何意東風偏澹蕩不教一片接燕支

自潤州至吳門行將北歸杜些山程令彰  
作詩見寄奉和二首

遲客能無酒長遊不出吳風濤宜此世花鳥合爲  
區劃指千人和浮香一榜孤向來真草率白恰漫  
江湖

莽莽開帆雨初殘見月生山前無定宅篋裏盡長  
城活火諳泉味清眠稱櫓聲蓴羹吾豈厭未擬換  
桃笙

出隱園小亭復題一首

棟亭詩別集卷二

五

客行不待主從容日落天寧寺裏鐘獨下茅亭呼  
款段薦蘿纏死一株松

聞蛩感題二首

荒衙敗砌啼相伴船裏青苔又一秋怪爾涼蟲心  
不死黃河直北是幽州

棟亭落葉無人掃八月西風孤枕中我亦何心說  
飄泊苦吟須讓不凡蟲

青杏況梅有感之作三首

憶花愛果大凡情頻念爲兒遶樹行此日望中疑  
濺齒可憐酸苦未分明

梅酸杏苦春來味北果南花勢不同慰眼遽勞生  
摘取妬饒朱老喫吳中

謂樸仙

昔思爲酪滯江煙何限青九觸馬鞭任願盲風移  
瘠土儘教甘雨借肥天

西堂集諸同人限薰風南來四字四首

江湖方浩蕩今昔幾同羣願客常如夏緣塔草正  
薰卑栖非異俗列坐盡能文衡宇偕攜手低徊問  
白雲

萬事看舒卷情親在眼中喜沾鷓鴣雨笑逐馬牛  
風項領期成子提沾近約僮歡塲誰最健實有鹿

棟亭詩別集卷二

六

皮翁

野靄投深幔天街少過驂羽林嚴極北甲第徧城  
南涼借幽并氣清兼梵唄譚紛紛落麈尾髮短不  
須簪

謾許投壺賦還憐草檄才終成過鄴去絕勝渡江  
來東里聞吹竹輕颺激落梅絺衣共清露月上黃  
金臺

微雨窗蕉綠甚漫成二首

塵埃更比暑難消休沐初欣雨灑朝一日不聞車  
轂響世間何物綠如蕉

矮窗支睡有藤輪梅憶茶村五字真

茶村寄梅葉詩未和

萬卉

看來紅盡假離披大葉好遮身

和吳雪篷塞上四無詩

北陸瞻晴昊臨風客思違食鹽通邑貴嚼蕊度春  
稀阜蓋能無事菟裘胡不歸遙憐標驛使堅卧瑾  
衙扉

梅

旅寄何辭陋邊隅豈不荒俗容三月弔檄救萬夫  
長慎莫彈荆棘饑須問鳳凰筇枝猶在握期爾寸  
心涼

竹

長日書遮眼論斤百弓留幾曾經手觸安用等身

樓亭詩別集卷二

七

求沙軟調鞍馬風高拓戎樓周旋方載橐不必借

荊州

書

蒸露金遺法間關盡麪車地寒偏擇酒擅裏不垂  
魚鱠粥加餐穩粉榆入社虛層霄勞悵盼白眼近  
何如

酒

汪上若程勁飛過訪野航自天津初歸

行處津初問滄州百里間舊聞徒旅笑歸遂耦耕  
閒假牒頻消畫仙舟不繫山屬杯塵近遠捷徑許  
重攀

送鮑子韶赴粵東將軍幕

尉陀朝漢古臺荒  
圖版咸收異姓王  
內府剖符防瘴徼  
叅軍倚馬有輝光  
時平筆卧珊瑚格  
海近家移玳瑁梁  
十萬健兒爭識得  
金盤長跪獻檳榔

子猷摘諸葛菜感題二捷句

春闌青紫漫牆隅  
蔓菁敷花味始腴  
忽念南中桑葉長  
錯將薏苡謗明珠

譜疏相因舊不差  
情親小摘慰年華  
長安近日多蒲草  
處處真花似假花

哭醉行

爲蘿山哭  
勁飛作

醉後歌薤露降讖曰不祥  
枯目睨飲器放誕爲佯

棟亭詩別集卷二

六

狂逆情過禮神中傷  
狸首之斑安可方  
憐生捐死不旋踵  
何以解憂惟杜康  
人言醉與冥理會  
又言哭爲死者忌  
君不見長風烈烈吹  
繡被寂寞忍欺泉  
下睡我愛汪倫篤  
友誼蓬頭瀉淚驚  
羣兒失聲不怕犯  
日將強飲一日嗟  
庸誰抱病不能救  
聞之檣亂如薺鋸  
檣作榔眠幾人長  
安遊客大可畏

病中冲谷四兄寄詩相慰信筆奉荅兼感

兩亡兄四首

頻拈柔翰憐生事  
枉憶茅齋款段留  
漫興詩篇餘

競病傷心粉藻雜俳優棗梨歡罄頭將雪身世悲  
深麥亦秋往往人羣避僚友就中惟感賦登樓

謂王

千子

京華重歎僦居難來往須期把臂歡爲吏何妨知

米價吾宗自古占騷壇蘋婆華卸看青果

大兄有蘋婆書院

漉水魚枯好擲竿滿眼風雲堪慰老要盟應任白

鷗寒

時兄欲棄業不就

卧病經旬初出戶戰餘寒熱體差強華編喜挹松  
窗綠情思遙分蕉緒黃自怪書空恒咄咄古來筆  
陣見堂堂中宵獨立慙存荅猶恐將身入混茫

棟亭詩別集卷二

九

藥囊檢紙題緘處走雷驚雷破柱時拭我細斑湘  
女竹乞君青草杜陵詩終期辟地無離別竟欲逃  
禪絕喜悲何日對牀聽漉酒疎花零葉遶東籬

並寄

松雪公羽字及青  
藤山人蕉圖

熱甚潘雪帆見枉

炎沙擁足休轅馬嘲熱人來字雪帆行欲惱天餘  
敗笠情疑策地祇單衫因循河朔期難定久愛山  
陰興不凡何處冷風堪解帶甘同白首寄蒼崑

禹尚基卜居圖索題

鱸魚蓴菜江鄉近楓葉蘆花水國遙風景最宜虛



結想畫圖時得笑相招三分茅屋愁霖雨七尺漁竿待晚潮恰與王孫較長短荷衣箬笠見丰標

西村師教子導引却病戲成二詩時師將

歸清涼

曠澤張卷逐獸蹄華軒閉置儼寒鷄河清閒是

病醫無藥羸秀何能仙漫躋通夜琴心三疊舞中

年函谷一丸泥思量飽喫桃花飯也待黃梁熟幾

梯

堂策蕭蕭一衲溫魚山清梵許同論宦情真比銜

書鹿世事渾如接手猿頭没杯中方大笑身棲巖

下久無言晴洲曝嘴城張錦蠟屐經春憶後園

